

Arkiv: <arkivID><jplD> FA-C52, FE-223
JournalpostID:
Sakshandsamar:
Dato: 24.02.2022

Saksframlegg

Saksnr.	Utval	Møtedato
027/22	Utval for oppvekst, kunnskap og kultur	22.03.2022

Tilskot til istandsetting av verneverdige kulturminne 2022

Kommunedirektøren sitt framlegg til vedtak:

Utval for oppvekst, kunnskap og kultur godkjenner følgjande fordeling av tillskot til istandsetjing av verneverdige kulturminne 2022:

Søkjar	Kulturminne	Tilskot
Nordhordland veteranbåtlag	DS Oster	98 000 kr
Kjellaug Seljelid og Øyvind Feste	Gardflor på Øvre Skodvin	20 000 kr
Ruth Weløy Myksvoll og Trygve Myksvoll	Løe på Nedre Myksvoll	30 000 kr
Kjersti Isdal	Steinhus på Isdal	25 000 kr
Johannes Mangersnes	Kvernhaus i Mangersnes	10 000 kr
Aril Langenes	Gardflor på Kopperdal	50 000 kr
Ivar Andreas Askvik	Løe på Askvik	40 000 kr
Meland mållag	Elias Mjåtveit-huset	7 000 kr
Aina Isdal Haugland	Hage, lad og hellegang på Isdal	20 000 kr

Utval for oppvekst, kunnskap og kultur 22.03.2022:

Handsaming:

Kommunedirektøren sitt framlegg vart samrøystes vedteke.

OKK- 027/22 Vedtak:

Utval for oppvekst, kunnskap og kultur godkjenner følgjande fordeling av tillskot til istandsetjing av verneverdige kulturminne 2022:

Søkjar	Kulturminne	Tilskot
Nordhordland veteranbåtlag	DS Oster	98 000 kr
Kjellaug Seljelid og Øyvind Feste	Gardflor på Øvre Skodvin	20 000 kr
Ruth Weløy Myksvoll og Trygve Myksvoll	Løe på Nedre Myksvoll	30 000 kr
Kjersti Isdal	Steinhus på Isdal	25 000 kr
Johannes Mangersnes	Kvernhaus i Mangersnes	10 000 kr
Aril Langenes	Gardflor på Kopperdal	50 000 kr
Ivar Andreas Askvik	Løe på Askvik	40 000 kr
Meland mållag	Elias Mjåtveit-huset	7 000 kr
Aina Isdal Haugland	Hage, lad og hellegang på Isdal	20 000 kr

Politisk handsaming

Saka skal avgjerast i utval for oppvekst, kunnskap og kultur.

Bakgrunn

Kommunestyret i Alver kommune vedtok i møte 16. september 2021 reviderte retningslinjer for kommunale tilskotsordningar til kultur, idrett og friluftsliv. Denne saka gjeld fordeling av midlar for ordninga Istandsetjing av verneverdige kulturminne. Denne tilskotsordninga hadde søknadsfrist 15. november 2021. Det kom inn få søknader i denne søknadsrunden, truleg fordi førre søknadsfrist var berre to månader tidlegare (15. september 2021). Søknadsfristen vart difor forlenga til 15. februar 2022.

Det er sett av 300 000 kroner til fordeling i denne søknadsrunden.

Saksopplysninger:

Retningslinjene for tilskotsordninga seier at den skal bidra til å ta vare på verdifulle og verneverdige bygningar, kulturmiljø og andre typar kulturminne i Alver kommune i privat eige. Kulturminne som er prioriterte i kulturminneplan og verneverdige kulturminne som ligg i omsynssone for bevaring av kulturmiljø (H570) skal normalt prioriterast ved tildeling. Restaureringa skal skje i tråd med antikvariske prinsipp og i dialog med kulturminneansvarleg i Alver kommune.

Det kom inn ni søknader i denne søknadsrunden.

Vurdering av søknadene:

1. Istandsetjing av skrog på D/S Oster

Nordhordland veteranbåtlag søker om 100 000 kroner i tilskot til utskifting av bunnstokkar og spant. Totalkostnaden for tiltaket er 1 443 000 ekskl. mva.

DS Oster vart bygd i 1908 for å bryta vinterisolasjonen til Modalen kommune. Den gjekk i rute i våre farvatn heilt fram til 1964. Riksantikvaren har vurdert DS Oster til å vera verneverdig, og båten har også stor historisk verdi for heile nordhordlandsregionen.

Kommunedirektøren rår til at Nordhordland veteranbåtlag får 98 000 kroner i tilskot til restaurering av DS Oster.

2. Gardflor på 96/3 Øvre Skodvin

Øyvind Feste og Kjellaug Seljelid Feste søker om 50 000 kroner i tilskot til restaurering av gardflor på gnr 96/3 Øvre Skodvin. Totalkostnaden på prosjektet er 200 000 kroner.

Det er i dag berre murane som står att av gardfloren. Eigar ynskjer å leggja nytt tak på murane. Slike tørrmyra gardflorar var vanlege i heile nordhordlandsregionen, og er viktige element i kulturlandskapet vårt. Bygget er ikkje prioritert i kulturminneplan og ligg heller ikkje i omsynssone for bevaring av kulturmiljø.

Kommunedirektøren rår til at eigar får kr 20 000 i tilskot til prosjektet.

3. Grindverksløe, 65/1 Nedre Myksvoll

Trygve Johan Myksvoll og Ruth Weløy søker om 80 000 kroner i tilskot til restaurering av løa på gnr 65/1 Nedre Myksvoll. Totalkostnaden på prosjektet er 310 000 kroner.

Løa, som skal vera bygd på 1880-talet, er typisk for Nordhordlands-regionen; grindløe med murt flor under og vernemur mot sør. Det har seinare blitt bygd til ein flor mot aust. Det er innvendig att delar av den gamle grindkonstruksjonen; stavar, betar, sneband og stavlegje, men elles er det det meste av nyare dato. Det er tørrmurkonstruksjonane i løa som gjev den kulturminneverdi. No er det lekkasje i taket på løa Myksvoll og eigarane ønskjer mellom anna å legge om taket for å hindre vidare forfall. Dette er ein føresetnad for at dei gamle murane skal kunne takast vare på. Bygget er ikkje prioritert i kulturminneplan og ligg ikkje i omsynssone for bevaring av kulturmiljø.

Kommunedirektøren rår til at søker får 30 000 kroner i tilskot til restaurering av taket på løa på Nedre Myksvoll.

4. Gardflor 185/7 Isdal

Kjersti Isdal søker om 25 000 kroner i tilskot til restaurering av gardflor på gnr 185/7 Isdal. Totalkostnaden på prosjektet er 145 000 kroner.

Gardfloren er innlemma i steingarden rundt innmarka på Isdal. For å ta vare på bygget ynskjer eigar å leggja nytt tak, setja inn dører og utbetra skade i mur.

Gardfloren på Isdal ligg innanfor omsynssone H570_6 (bevaring av kulturmiljø) i kommuneplanen for Knarvik-Alversund med Alverstraumen 2019-2031. Området er i tillegg vurdert til å ha regional kulturminneverdi.

Kommunedirektøren rår til at søker får 25 000 kroner i tilskot til restaurering av gardfloren på Isdal.

5. Kvernhus Mangersnes, gnr 444

Johannes Mangersnes søker på vegne av felleseiga på gnr 444 Mangersnes om 13 000 kroner i tilskot til restaurering av felles kvernhus. Totalkostnaden på tiltaket er 25 000 kroner.

Dette er eit av dei nyaste kvernhusa me kjenner til i vårt område – bygd så seint som kring 1922-1923. Det vert søkt om tilskot til nytt vindauge, ny inngangsdør og karm og ny kledning på delar av bygget. Kvernhuset er plassert i verneklasse B i Kulturminneplan for Radøy kommune 2017-2027, dvs bygg som er vurdert å ha høg lokal verneverdi.

Kommunedirektøren rår til at søker får 10 000 kroner i tilskot til tiltaket.

6. Gardflor og lammehus på 167/1 og 2 Kopperdal

Arild Langeseter søker om 80 000 kroner i tilskot til istandsetjing av gardflor og lammehus på gbnr 167/1 og 2 Kopperdal. Totalkostnaden på tiltaket er 420 000 kroner.

Bøgarden, som er ein steingard som skil innmark og utmark, er synleg i det bratte terrenget ovanfor tunet i Kopperdal. Denne steingarden strekk seg på tvers av eigedomen og er eit imponerende byggverk trass i at den har rast saman og er skada fleire stader. Som ein del av denne steingarden ligg to tørrmurte bygg; eit rektangulært bygg og eit mindre kvadratisk bygg. Bygga ligg på innmarksida av steingarden som utgjør bakveggen til begge bygningane. Bygga har pulttak med høgste veggen mot dalen. Taket har vore tekt med villskifer/heller på sperr, men sperrane har rotna og helletaket har kollapsa. Eigaren av denne gardfloren har blitt fortalt at det største bygget har blitt brukt til mjølking av sau og at det minste er eit såkalla lammehus.

Dette tørrmurte anlegget med bøgard, gardflor og lammehus på Kopperdal er ein av få slike anlegg me kjenner til i området, det representerer ein utdøyd del av landbrukshistoria, det er utført med høg handverkskunnskap og er ein flott representant for tørrmuringstradisjonen i Nordhordland og har med det høg kulturminneverdi. Bygget er ikkje nemnd i kulturminneplanen for Lindås kommune og ligg ikkje i omsynssone for bevaring av kulturmiljø.

Kommunedirektøren rår til at søker får 50 000 kroner i tilskot til tiltaket.

7. Løe, 236/2 Askvik

Ivar Andreas Askvik søker om 116 943 kroner i tilskot til restaurering av løe på gnr 236/2 Askvik. Totalkostnaden for prosjektet er 157 443 kroner.

Løa på Askvik er ei eldre grindverksløe. Søkar skriv at bygget kan vera sett opp på 1700-talet, medan den i følge Norske gardsbruk er sett opp kring 1810. Ein del av grindane i løa er truleg frå ei tidlegare løe, og har fleire alderdomelege trekk og spor etter gjenbruk. Løa er også rik på gamle inskripsjonar av ulike symbol.

Eigar ynskjer å skifta tak på sørlege delen av løa og restaurera golvet i løa.

Alderdomlege bygningsdelar og dei unike innskripsjonane gjer at bygget bør takast vare på. Løa er ikkje tatt med i kulturminneplanen for Lindås kommune og ligg ikkje i omsynssone for bevaring av kulturmiljø.

Kommunedirektøren rår til at søkjar får 40 000 kroner i tilskot til restaurering av taket på løa.

8. Elias Mjåtveit-huset

Meland mållag søker om 7 000 kroner i tilskot til å finansiera fortsatt forsvarleg lagring av Elias Mjåtveit-huset i påvente av at oppattbygging av huset. Totalkostnaden for denne delen av prosjektet er 11 000 kroner.

Huset var bustaden til lyrikaren, folkeminnesamlaren, folkeopplysaren, samfunnskritikaren, religionsfilosofen og spelemannen Elias Mjåtveit. Huset skal også vera den einaste gjenverande husmannsplassen i tidlegare Meland kommune. Huset stod tidlegare på Mjåtveit, men vart rive i 2020 og bygningsdelane ligg i dag lagra i ei løe på Fosse.

Meland mållag fekk i 2020 tilskot frå Alver kommune til første del av prosjektet som handlar om demontering, reingjering, dokumentasjon, loggføring og merking av alle bygningsdelane. Dette tilskotet har også dekkja leige for lagring av bygget fram til no.

Meland mållag søker no om 7 000 kroner i tilskot til å dekkja utgifter til lagring av bygget fram til det er funne ny tomt og det er klart for gjenoppbygging av huset.

Kommunedirektøren rår til at Meland mållag får 7 000 kroner i tilskot til å dekkja utgifter til lagring av bygget.

9. Lad, hellegang og hage, 185/5 Isdal

Aina Isdal Haugland søker om 27 000 kroner i tilskot støttemur (lad) og hellegang på gnr 185/5 Isdal. Totalkostnaden for prosjektet er 81 900 kroner. Dette inkluderer arbeid med tilbakeføring av hage til nyttebruk og fleire vekster. Den delen av prosjektet som omhandlar hagen vert vurdert å ikkje koma inn under det som kan støttast gjennom dene tilskotsordninga. Kostnaden berre for støttemur og hellegang er kring 55 000.

Søkjar ynskjer å restaurera støttemurar kring huset og reetablere hellegang mot husveggen. Isdal ligg innanfor omsynssone H570_6 (bevaring av kulturmiljø) i kommuneplanen for Knarvik-Alversund med Alverstraumen 2019-2031. Området er i tillegg vurdert til å ha regional kulturminneverdi.

Kommunedirektøren rår til at søker får 20 000 kroner i tilskot til dette tiltaket.

Vedlegg i saken:

10.03.2022	Søknad om tilskot til istandsetjing av det verneverdige kulturminnet DS OSTER	1706266
10.03.2022	Vedlegg 3 - Pristilbod Dåfjorden Slipp	1706267
10.03.2022	Vedlegg 2 - S029-106-K592-2 Tilstandsrapport	1706268
10.03.2022	Vedlegg 1 - OSTER LEPP Påleggsliste Sjøfartsdirektoratet 07.07.2021	1706269
10.03.2022	Søknad om tilskot til meirkostnad ved istandsetjing av nyare fids kulturminne - gardflor/uteflor	1706270
15.03.2022	Gardflor_3	1706271
15.03.2022	gardflor 1966	1706272
10.03.2022	Søknad om tilskot til istandsetjing av verneverdig	1706273

	kulturminne - løe frå 1880	
10.03.2022	Løe på Nedre Myksvoll	1706274
10.03.2022	Prosjektbeskrivelse steinhus Isdal 2021	1706275
10.03.2022	Tilskot til verna kulturminne 2022	1706276
10.03.2022	Mangersnes Kvernhus	1706277
10.03.2022	Søknad om tilskot til istandsetjing av verneverdige kulturminner	1706280
10.03.2022	Kostnadsoverslag gardflor alternativ I	1706282
10.03.2022	Gardflor i Kopperdalen - rapport frå synfaring 14.07.21	1706283
10.03.2022	Gardflor i stein fotodokumentasjon	1706284
10.03.2022	Gardflor i Kopperdalen tilstand og tiltak	1706285
10.03.2022	Gardflor Kopperdal. Kulturverntenesta i Nordhordland	1706286
10.03.2022	Søknad om tilskot til istandsetjing av verneverdige kulturminner	1706287
10.03.2022	Følgjebrev til søknad om kulturmidlar - historie	1706288
15.03.2022	Bilete IMG-3827	1706289
10.03.2022	Budsjett bevaring løe	1706290
10.03.2022	Søknad om tilskot til Elias Mjåtveit-huset	1706291
10.03.2022	Elias-huset budsjett lager 2022	1706292
10.03.2022	Søknad om tilskot til verna kulturminne 2022	1706293
10.03.2022	Budsjett lad, hellegang og hage	1706294
10.03.2022	Isdal front mot vest	1706295
10.03.2022	Støttemur og austvegg	1706296